

Tseem Ceeb hais txog Rov Qab Tuaj Uake: Sacramento City Unified School District yuav pib lub xyoo kawm ntawv tom ntej no los ntawm kev kawm ntawv nyob sib nrug deb (distance learning)

Ib qho tseem ceeb ntawm peb lub homphiaj Rov Qab Tuaj Uake, peb lub homphiaj Rov Qab Tuaj Kawm Ntawv, tau hais hnuv no tias cov tub/ntxhais kawm ntawv yuav pib lub xyoo kawm ntawv rau thaum lub Cuaj hli ntuj tim 3 los ntawm kev kawm ntawv nyob sib nrug deb (distance learning program).

Qhov kev txiav txim siab no yog ib qho uas tsis yooj yim. Peb cia siab thiab npaj muaj txoj kev xaiv rau cov tub/ntxhais kawm ntawv los xaiv seb lawv nyiam qhov kev tuaj kawm rau ntawm tsev kawm ntawv thiab kawm ntawv nyob sib nrug deb tom tsev, tab sis tus siab, tus kab mob COVID-19 kis coob ntxiv nyob rau hauv California, lub sij hawm los soj ntsuam thiab tos cov kev soj ntsuam , thiab kev ntsuam xyuas cov kev sib kis ntawm tus kab mob tseem tsis tau muaj txaus.

Muab tej yam zoo li no thiab raws li tej kev pom zoo los ntawm Sacramento County Department of Public Health, hauv paus tsev kawm ntawv tau txiav txim siab tias lub fall semester yuav pib los ntawm kev kawm ntawv nyob sib nrug deb vim yog ib txoj kev uas zoo tshaj uas peb yuav tiv thaiv tau txoj kev noj qab haus huv thiab kev nyab xeeb ntawm cov tub/ntxhais kawm ntawv thiab cov neeg ua dejnum.

“Thaum uas nws yog ib qho tu siab tias peb yuav tsis caw peb cov tub/ntxhais kawm ntawv rov qab tuaj kawm ntawv rau ntawm tsev kawm ntawv thaum lub Cuaj hli ntuj tim 3, peb cog lus rau peb lub zej zog tias Sacramento City Unified lub homphiaj rau kev kawm ntawv nyob sib nrug deb yuav muaj xws li cov kev qhia uas zoo tshaj plaws, cov kev ntsuas los ntsuas tub/ntxhais kawm ntawv cov kev kawm thiab saibxyuas kom lawv ua tau raws li cov kev kawm ntawv, kev sib raug zoo, thiab kev xav tau ntawm txhua tus tub/ntxhais kawm ntawv,” hais los ntawm **Sacramento City Unified Superintendent Jorge Aguilar**.

Txoj kev npaj uas muaj rau (6) ntu Rov Qab Tuaj Uake tseem tab tom nyob rau kev tsim tsa xws li muaj lub zeem muag rau kev kawm ntawv nyob sib nrug deb uas muaj cov kev kawm ntawv zoo tshaj plaws nrog kev qhia nyob rau hauv internet pom duab sib tham thiab qhia los ntawm cov xibfbw.

“Peb txoj kev npaj yuav muaj xws li kev kawm cob qhia thiab kev koomtes rau cov xibfbw kom peb txhawb nqa txoj kev kawm tau ntawv zoo ntawm tag nrho peb cov tub/ntxhais kawm ntawv tsis hais nyob rau cov sijhawm uas nyuab no,” **Superintendent Aguilar** hais ntxiv. “Peb cov tub/ntxhais kawm ntawv tsim tsis nyog poob kev kawm ntxiv lawm. Raws li peb tsim qhov kev kawm ntawv nyob sib nrug deb, peb hu rau txhua tus tuaj sib tham nrhiav txoj hau kev los tiv thiav kev sib kis ntawm tus kab mob COVID-19 thiab hais kom tsoom fwm thiab lub xeem cov neeg uas tsim cov cai kom muab nyiaj txiag ntxiv rau kev ntsuam xyuas thiab soj qab tus kab mob.”

“Peb cov tub/ntxhais kawm ntawv, cov tsev neg, cov xibfbw thiab cov neeg ua dejnum nyob nrog txoj ntshai thiab kev ntxhov siab tias peb yuav rov qab tuaj qhia ntawv thiab kawm ntawv licas thiaj li muaj kev nyab xeeb thaum uas muaj ntau yam tsis tau paub tseeb,” **hais los ntawm Board President Jessie Ryan**. “Raws li yog ib leej niam, kuv xav ib yam nkaus thiab. Yam ua rau kuv ruaj siab yog peb lub hauv paus tsev kawm ntawv txoj kev cog lus khov kom siv cov kev taw qhia los ntawm cov kws paub zoo heev txog pej xeem kev noj qab haus huv coj los tiv thaiv peb cov tub/ntxhais kawm ntawv, cov neeg ua dejnum thiab lub zej zog. Peb tseem tuav rawv cov kev tu

ncua ntawm peb kaum tawm phav tus tub/ntxhais kawm ntawv uas raug teeb meem yooj yim nyob rua ntawm peb lub xwb pwg. Qhov kev ntshais uas ntau tus tub/ntxhais kawm ntawv yuav raug vim tsis muaj cov neeg laus zoo saibxyuas nyob rau hauv lawv cov tsev kawm ntawv yog yam ua rau kuv pws tsis tsaug zog. Peb yuav tsum xav txog ntawm txhua ntu, txhua tus tub/ntxhais kawm ntawv, thiab txhua yam kev ua tau coj los xav thiab txhim kho kev kawm ntawv nyob sib nrug deb kom muaj kev txhawb nqa tub/ntxhais kawm ntawv zoo. Peb yuav tsum siv lub sib hawm ua ntej peb yuav ua haujlwm nrog peb cov xibfwb los tsim ib txoj kev npaj qhia ntawv yuav ua tau raws li cov kev tu ncu ntawm tag nrho cov menyuam nyob rau cov sij hawm tsis yooj yim no.”

Los ntawm “Rov Qab Tuaj Uake” txoj kev npaj, Sac City Unified tab tom npaj rau ntau hom kev qhia ntawv thiab kev kawm ntawv uas yuav tshwm sim thoob plaws xyoo kawm ntawv uas yuav los tom ntej no raws li peb lub zej zog tau raug tus kab mob COVID-19 uas tseem muaj niaj hnub tam sim no.

Thaum xaus lub xyoo kawm ntawv tag los no, hauv paus tsev kawm ntawv ntsuam xyuas cov tub/ntxhais kawm ntawv thiab cov niamtxiv txog lawv qhov kev kawm ntawv nyob sib nrug deb seb lawv xav lidas. Hnov meej heev, peb hnov los ntawm koj tias koj xav tau kev qhia ntawv ncaj qha los ntawm tus xibfwb ntiv, xav tau kev txhawb pab ntiv thiab kev saibxyuas ntiv. Cov kev ntsuam xyuas muab tau los thiab cov kev xav nyob ntawm cov kev ntsuam xyuas mus saib tau [ntawm nov](#).

Nyob rau lub Xya hli ntuj tim 8, 2020 hauv paus tsev kawm ntawv tau tso tawm thawj tsab ntawv uas muaj [44-nplooj Cov Kev Noj Qab Haus Huv & Kev Ruaj Ntseg uas Yuav Tsum Muaj](#) qhia txog cov kev taw qhia uas yuav ua rau cov tub/ntxhais kawm ntawv thiab cov neeg ua dejnum muaj kev ruaj ntseg ntawm SCUSD cov tsev kawm ntawv. Qhov kev taw qhia no pom tias peb Cov Kev Noj Qab Haus Huv & Kev Ruaj Ntseg tias cov pej xeeb cov kev noj qab haus huv thiab kev pom zoo los ntawm lub xeev thiab county cov neeg saibxyuas yuav kom hloov mus rau kev kawm ntawv nyob sib nrug deb.

Raws li peb npaj rau lub xyoo kawm ntawv yuav los no, Hauv Paus Tsev Kawm Ntawv yuav nqua hu cov neeg muaj feem xyuas (stakeholders), nrog rau cov koom haum koomtes, thiab yuav sib tham txog txoj kev npaj rau ob-peb yam txog cov kev qhia ntawv kom zoo thiab kev kawm ntawv, xws li kawm ntawv nyob sib nrug deb, tuaj kawm ntawv hauv tsev kawm ntawv, thiab tus qauv tuaj kawm ntawv hauv tsev kawm ntawv ib nrab thiab hos kawm ntawv tom tsev ib nrab (blended models).

###